

Канон Ангелу Хранителю

Моли́твами свя́тых оте́ц на́ших,
Го́споди Иису́се Христé Бо́же
наш, поми́луй нас. Ами́нь.

Трисвятое.

Пресвята́я Тро́ице:

Слава, и ныне:

Отче наш:

Го́споди, поми́луй. (*12 раз.*)

Слава, и ныне:

Приидите, поклонимся (*Трижды.*)¹

Псалом 50.

¹ Полный текст этих молитв см. в разделе «Молитвы утренние»

КАНОН, глас 8-й

Песнь 1

Ирмос: По́йм Го́сподеви, провѣдшему лю́ди Сво́я сквозѣ́ Чермное́ мо́ре, я́ко еди́н сла́вно просла́вился.

Иисусу: Го́споди Иису́се Христе́ Бо́же мой, поми́луй мя².

Песнь воспѣти и восхвалѣти, Спа́се, Твоего́ раба́ досто́йно сподо́би, безплóтному Ангелу, наста́внику и хранѣ́телю моему́.

Припев: Святы́й Ангеле́ Бо́жий, хранѣ́телю мой, моли́ Бо́га о́ мне.

Еди́н аз в неразу́мии и в ле́ности ны́не лежу́, наста́вниче

² Тропарь Иисусу Христу – только в первой и девятой песнях канона.

мой и хранітелю, не оста́ви
мене́, погиба́юща.

Слава: Ум мой твоёю
моли́твою напра́ви, твори́ти ми
Бо́жия повелѣ́ния, да получи́у от
Бо́га отда́ние грехо́в, и
ненави́дети ми злых наста́ви мя,
молю́ся ти.

И ныне: Моли́ся, Деви́це, о
мне, раба́ Твоём, ко
Благодате́лю, со хранітелем
мои́м Ангелом, и наста́ви мя
твори́ти за́поведи Сы́на Твоего́
и Творца́ моего́.

Песнь 3

Ирмос: Ты еси́ утвержде́ние
притека́ющих к Тебе́, Го́споди, Ты еси́
свет омраче́нных, и поёт Тя дух мой.

Припев: **Святы́й Ангеле Бо́жий,
храни́телю мой, моли́ Бо́га о
мне.**

**Все помышле́ние моё и ду́шу
мою́ к тебё возложѣх, храни́телю
мой; ты от вся́кия мя напа́сти
вра́жия изба́ви.**

Припев: **Святы́й Ангеле Бо́жий,
храни́телю мой, моли́ Бо́га о
мне.**

**Враг попира́ет мя, и
озлобля́ет, и поуча́ет всегда́
твори́ти своя́ хоте́ния; но ты,
наста́вниче мой, не оста́ви мене́
погиба́юща.**

**Слава: Пёти песнь со
благодарёнием и усёрдием**

Творцу́ и Бо́гу даждь ми, и тебе́, благо́му Ангелу храні́телю моему́: изба́вителю мой, изми́ мя от враг озлобля́ющих мя.

И ныне: Исцели́, Пречи́стая, моя́ многонеду́жныя стру́пы, яже в души, проже́ні враги́, иже при́сно бо́руются со мно́ю.

Господи, помилуй. (*Трижды.*)

Седален, глас 2-й

От любве́ душе́вныя вопию́ ти, храні́телю моея́ души́, всесвяты́й мой Ангеле: покрый́ мя и соблюди́ от лука́ваго ловле́ния всегда́, и к жи́зни наста́ви небёсней, вразумля́я и просвеща́я и укрепля́я мя.

Слава, и ныне:

Богородичен: **Богорóдице
безневéстная Пречíстая, Яже
без сéмени рóждши всех
Влады́ку, Того́ со Ангелом
хранíteлем мо́им моли́,
изба́вити ми ся вся́каго
недоуме́ния, и да́ти умилéние и
свет душí моёй и согрешéнием
очищéние, Яже еди́на вскóре
заступáющи.**

Песнь 4

Ирмос: **Услы́шах, Го́споди, смотре́ния
Твоего́ та́инство, разуме́х дела́ Твоя́, и
просла́вих Твое́ Божество́.**

Припев: **Святы́й Ангеле Бо́жий,
хранíteлю мой, моли́ Бо́га о
мне.**

**Моли́ Человеколю́бца Бо́га ты,
храни́телю мой, и не оста́ви
мене́, но прі́сно в мі́ре жити́е
моё соблюди́ и пода́ждь ми
спасе́ние необори́мое.**

Прпев: **Святы́й Ангеле Бо́жий,
храни́телю мой, моли́ Бо́га о
мне.**

**Яко засту́пника и храни́теля
животу́ моему́ приём ты от
Бо́га, Ангеле, молю́ ты, святы́й,
от вся́ких мя бед свободи́.**

**Слава: Мою́ скве́рность твоёю
святы́нею очисти́, храни́телю
мой, и от ча́сти шу́ия да
отлуче́н бу́ду моли́твами твои́ми
и прича́стник сла́вы явлю́ся.**

И ны́не: Недоуме́ние предлежи́т

ми от обышѣдших мя зол,
Пречѣстая, но избави мя от
них скоро: к Тебѣ бо еди́ней
прибегóх.

Песнь 5

Ирмос: Утренююще вопи́ем Ти:
Гóсподи, спаси́ ны; Ты бо еси́ Бог наш,
разве Тебѣ ино́го не ве́мы.

Припев: **Святы́й Ангеле Бóжий,
храни́телю мой, моли́ Бóга о
мне.**

**Яко имѣя дерзнове́ние к Бóгу,
храни́телю мой святы́й, Сего́
умоли́ от оскорбля́ющих мя зол
избави́ти.**

Припев: **Святы́й Ангеле Бóжий,
храни́телю мой, моли́ Бóга о**

мне.

**Свѣте свѣтлый, свѣтло
просвети́ дѹшу мою́, наставниче
мой и хранителю, от Бѹга
данный ми Ангеле.**

**Слава: Спяща мя зле тяготою
греховною, яко бдяща сохрани́,
Ангеле Бѹжий, и возстави мя
на славословіе молѣнием
твоимъ.**

**И ныне: Маріе, Госпожѣ
Богородице безневѣстная,
надѣждо вѣрных, вражия
возношенія низложи́, поющія
же Тя возвесели́.**

Песнь 6

Ирмос: **Ризу ми подаждь свѣтлу,
одеяйся свѣтом яко ризою,
многомилостиве Христѣ Бѹже наш.**

Припев: **Святы́й Ангеле Бо́жий,
храни́телю мой, моли́ Бо́га о
мне.**

**Вся́ких мя напáстей свободи́,
и от печа́лей спаси́, молю́ся ти,
святы́й Ангеле, да́нный ми от
Бо́га, храни́телю мой до́брый.**

Припев: **Святы́й Ангеле Бо́жий,
храни́телю мой, моли́ Бо́га о
мне.**

**Освети́ ум мой, бла́же, и
просвети́ мя, молю́ся ти, святы́й
Ангеле, и мы́слити ми полéзная
всегда́ наста́ви мя.**

Слава: **Уста́ви се́рдце моё от
настоя́щаго мятежа́, и бде́ти
укрепи́ мя во благи́х,**

храни́телю мой, и наста́ви мя
чу́дно к тишинé живо́тней.

И ныне: Сло́во Бо́жие в Тя
всели́ся, Богоро́дице, и
челове́ком Тя показа́ небéсную
лэ́ствицу; Тобо́ю бо к нам
Вы́шний соше́л есть.

Господи, помилуй. (*Трижды.*)

Слава, и ныне:

Кондак, глас 4-й

Яви́ся мне милосе́рд, святы́й
Ангеле Госпо́день, храни́телю
мой, и не отлуча́йся от мене́,
скве́рнаго, но просвети́ мя
све́том неприкоснове́нным и
сотвори́ мя досто́йна Ца́рствия
Небе́снаго.

Икос

Уничиже́нную ду́шу мою́
мно́гими собла́зны, ты, святы́й
предста́телю, неизрече́нныя
сла́вы небе́сныя сподо́би, и
певе́ц с ли́ки безплóтных сил
Бо́жиих, помíлуй мя и
сохрани́, и по́мыслы до́брыми
ду́шу мою́ просвети́, да твоёю
сла́вою, Ангеле мой, обогащúся,
и низложи́ зломы́слящия мне
враги́, и сотвори́ мя досто́йна
Ца́рствия Небе́снаго.

Песнь 7

Ирмос: От Иуде́и доше́дше о́троцы, в
Вавило́не иногда́, ве́рою Тро́ическою
пла́мень пе́щный попра́ша, пою́ще:
отце́в Бо́же, благослове́н еси́.

Приве́в: **Святы́й Ангеле́ Бо́жий,
храни́телю мой, моли́ Бо́га о
мне.**

**Ми́лостив бу́ди ми, и умоли́
Бо́га, Госпо́день Ангеле́, имео́
бо ты засту́пника во всем
животе́ моём, наста́вника же и
храни́теля, от Бо́га даро́ваннаго
ми во ве́ки.**

Приве́в: **Святы́й Ангеле́ Бо́жий,
храни́телю мой, моли́ Бо́га о
мне.**

**Не оста́ви в путь шество́ующия
души́ моея́ ока́янные уби́ти
разбо́йником, святы́й Ангеле́,
я́же ти от Бо́га предана́ бысть
непорóчне; но наста́ви ю́ на**

путь покая́ния.

Слава: Всю посра́млену ду́шу мою́ привожду́ от лука́вых ми по́мысл и дел: но предвари́, наста́вниче мой, и исцелéние ми пода́ждь благи́х по́мысл, уклоня́ти ми ся всегда́ на пра́выя стези́.

И ныне: Прему́дрости испо́лни всех и крéпости Божéственныя, Ипостáсная Прему́дросте Вы́шняго, Богорóдицы ра́ди, вéрою вопию́щих: оте́ц на́ших Бо́же, благословéн еси́.

Песнь 8

Ирмос: Царя́ Небе́снаго, Егóже пою́т во́и а́нгельстии, хвалíte и превозносите во вся вéки.

Припев: **Святы́й Ангеле Бо́жий,
храни́телю мой, моли́ Бо́га о
мне.**

**От Бо́га по́сланный, утверди́
живо́т мой, раба́ твоего́,
преблагый Ангеле, и не оста́ви
мене́ во ве́ки.**

Припев: **Святы́й Ангеле Бо́жий,
храни́телю мой, моли́ Бо́га о
мне.**

**Ангела ты су́ща бла́га, души́
моея́ наста́вника и храни́теля,
преблаже́нне, воспева́ю во ве́ки.**

**Слава: Буди́ ми покрóв и
забра́ло в день испытáния всех
челове́к, вóньже огнём
искуша́ются дела́ благáя же и
зла́я.**

И ныне: Буди ми помощница и
тишина́, Богородице Присноде́во,
рабу́ Твоему́, и не оста́ви мене́
лише́на бы́ти Твоего́
влады́чества.

Песнь 9

Ирмос: Вои́стинну Богороди́цу Тя
испове́дуем, спасе́ннии Тобо́ю, Де́во
чи́стая, с безплóтными ли́ки Тя
велича́юще.

Иисусу: Господи Иисусе Христе
Боже мой, помилуй мя.

Поми́луй мя, еди́не Спа́се мой,
я́ко ми́лостив еси́ и милосе́рд, и
пра́ведных ликóв сотвори́ мя
прича́стника.

Приве́в: **Святы́й Ангеле́ Бо́жий,
храни́телю мой, моли́ Бо́га о
мне.**

**Мы́слити ми при́сно и твори́ти,
Госпо́день Ангеле́, бла́гая и
поле́зная да́руй, я́ко си́льна яви́
в не́мощи и непоро́чна.**

**Слава: Я́ко име́я дерзнове́ние к
Царю́ Небе́сному, Того́ моли́, с
про́чими безплóтными,
помы́ловати мя, ока́яннаго.**

**И ны́не: Мнóго дерзнове́ние
иму́щи, Де́во, к Вопло́щшемуся
из Тебе́, преложи́ мя от уз и
разреше́ние ми пода́ждь и
спасе́ние, моли́твами Твои́ми.**

Молитва к Ангелу Хранителю

А́нгеле Христо́в святы́й, к тебѣ
припа́дая молю́ся, храни́телю
мой святы́й, прида́нный мне на
соблюде́ние душі́ и тѣлу моему́
гре́шному от свята́го креще́ния,
аз же своёю ле́ностию и своим
злым обы́чаем прогне́вах твою́
пречи́стую свѣтлость и отгна́х
тя от себѣ все́ми студи́ными
де́лы: лжа́ми, клеветáми,
за́вистию, осужде́нием,
презо́рством, непоко́рством,
братоненавиде́нием, и
злопомне́нием, сребролю́бием,
прелюбоде́янством, я́ростию,
ску́постию, объяде́нием без
сы́тости и опѣ́вством,
многоглаго́ланием, злы́ми
по́мысли и лука́выми, го́рдым

обычаем и блудным
возбешением, имый самохотение
на всякое плотское вождение.
О, злое мое произволение,
егоже и скоти безсловеснии не
творят! Да како возможеши
возрети на мя, или приступити
ко мне, аки псу смердящему?
Которыма очима, Ангеле
Христов, возриши на мя,
оплетшася зле во гнусных
делах? Да како уже возмогу
отпущения просити горьким и
злым моим и лукавым деянием,
в няже впадаю по вся дни и
нощи и на всяк час? Но
молюся ти припадая, хранителю
мой святыи, умилосердися на
мя грешнаго и недостойнаго
раба твоего (имя), буди ми

помо́щник и засту́пник на зла́го
моего́ сопроти́вника, святы́ми
твои́ми моли́твами, и Ца́рствия
Бо́жия прича́стника мя сотвори́
со все́ми святы́ми, всегда́, и
ны́не и прі́сно и во ве́ки веко́в.
Ами́нь.

Досто́йно есть я́ко вои́стину
блажи́ти Тя Богоро́дицу,
Присноблаже́нную и
Пренепоро́чную и Ма́терь Бо́га
нашего. Честне́йшую Херуві́м и
сла́внейшую без сравне́ния
Серафі́м, без истрле́ния Бо́га
Сло́ва ро́ждшую, су́щую
Богоро́дицу Тя велича́ем. *(Поклон)*

Сла́ва, и ны́не:
Го́споди, поми́луй. *(Трижды.)*
Господи, благослови.

**Го́споди, Иису́се Христé, Сы́не
Бо́жий, моли́твами Пречи́стыя
Твоея́ Ма́тере, преподо́бных и
богоно́сных оте́ц на́ших и всех
святы́х поми́луй и спаси́ нас, я́ко
Благ и Человеколю́бец. Ами́нь.**